



UNIVERSITÄTS-
BIBLIOTHEK
PADERBORN

Universitätsbibliothek Paderborn

Breves Notitiæ Triplicis Status Ecclesiastici, Monastici, Et Secvlaris

Bolland, Johannes

Antverpiæ, 1668

Lectori.

urn:nbn:de:hbz:466:1-42869

I N D E X

I N D E C T O R I.

Sancti, quorum memoria vel res gesta illustrantur mensibus Ianuario, Februario & Martio, & suis nominibus exprimuntur, ad quatuor ferè millia excrefcunt: at quorum nomina nobis incognita, Deo soli innotescunt, certo nequeunt numero comprehendi. Ex his indicamus eos, qui in triplici statu, Ecclesiastico, monastico & seculari eminuerunt, ut singuli possint suarum Ecclesiarum, Ordinum monasticorum, ac dignitatum aut occupationum secularium illustres sanctitate & veneratione Patronos agnoscere, & ad eorum virtutes imitandas incitari.

Ut autem facilius Acta Singula reperiantur, meminerit Lector in Ianuarij tomo primo contineri xv priores dies, ac reliquos xvi in secundo tomo: at Februarij tomum primum concludi sex prioribus diebus, secundum decem sequentibus à vii ad xvi, tertium reliquis duodecim, à die xvii usque ad finem: ita & Martij tomum primum constare octo prioribus diebus, secundum iterum sequentibus decem à die ix ad xviii, & tertium reliquis tredecim à die xix usque ad finem.

Præter Indices sex singulis tomis adiunctos, varia, quæ institutum operis explicant, habentur in Apparatu ante Acta Ianuarij & Februarij, & in tractatu, qui tomo primo Martij præmittitur de vitâ, virtutibus & operibus Ioannis Bollandi, arduo huic operi immortalis. At tomo secundo Martij proponitur ex octo codicibus MSS. Martyrologium genuinum Bedæ, hætenus æsideratum, cum Martyrologio Flori ex tribus MSS. & cū varijs supplementis. Tertio verò Martij tomo præfigitur duplex dissertatio, alia circa characteres temporum Chronographiæ S. Theophanis, alia circa tres Dagobertos Reges Fræcorum & successione posteriorum Regum, ex Dagoberto II prognatorum. Demum singulis tomis Martij subiunguntur Acta Græca, vti & tomo primo Menologium Basilij Imperatoris pro mense Martio.